

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj:
Datum:

PRIJEDLOG

Na osnovu člana 14. Statuta Općine Tešanj («Sl.glasnik Općine Tešanj», broj: 11/07) i člana 8. Zakona o principima lokalne samouprave ("Sl.novine FBiH", broj:49/06), Općinsko vijeće Tešanj na svojoj __ sjednici održanoj dana _____ 2018. godine donijelo je

**ODLUKU
o realizaciji projekta vodosandbijevanja
"Vodovod Raduša i Jugozapad-Tešanj"**

Član 1.

Projektom vodovoda obuhvaćeni su građani/korisnici iz MZ Raduša i MZ Tešanj, koji nisu priključeni na vodovodni sistem JKP Rad. Ukupna vrijednost projekta vodovoda iznosi cca 2.000.000 KM

Član 2.

Izgradnja vodovoda se vrši u skladu sa Glavnim projektom "Vodovod Raduša i Jugozapad-Tešanj", finansiranjem iz sredstava Budžeta Općine Tešanj, namjenskih sredstava Zeničko-dobojskog kantona, donatorskih sredstava koje usmjerava općina Tešanj i učešća građana/korisnika.

Član 3.

Učešće građana/korisnika u izgradnji glavnog dijela sistema (distributivni vod, rezervoar, primarna i sekundarna mreža, pumpne stanice...) je 1.500,00 KM po domaćinstvu, odnosno objektu, u čemu je sadržana i umanjena priključna taksa od 200,00 KM.

Član 4.

Učešće građana/korisnika od 1.500,00 KM uplaćeno na račun budžeta Općine evidentiran na posebnom kontu, uz administrativne, tehničke druge pretpostavke (građevinska dozvola, tehničke mogućnosti,...) podrazumijeva pravo priključka na sekundarnu mrežu. Samo priključenje objekta će građani otvoriti putem JKP Rad kroz redovno propisane postupke.

Član 5.

Svi budući korisnici koji nisu dali učešće u izgradnji vodovoda do puštanja u funkciju, narednih deset godina od dana puštanja vodovoda u funkciju, plaćaju jednak iznos iz člana 3 odluke plus punu priključnu taksu propisanu Odlukom o vodovodu i kanalizaciji.

Član 6.

Građevinski odbor za izgradnju vodovoda i MZ Raduša će pružiti svu potrebnu podršku (animiranje građana, komunikacija u projektu, rješavanje vlasničkih odnosa i dr.)

Član 7.

Ova odluka stupa na snagu narednog dana od dana objavljivanja u "Službenom glasniku Općine Tešanj".

PREDSJEDAVALJUĆI VIJEĆA

Subašić Senad, dipl.ecc

O b r a z l o Ź e n j e

PRAVNI OSNOV

Pravni osnov za donošenje Odluke o realizaciji projekta vodosnabdijevanja "Vodovod Raduša" sadržan je u članu 8. Zakona o principima lokalne samouprave ("Sl. novine FBiH", broj:49/06).

RAZLOZI ZA DONOŠENJE

Veći dio mjesne zajednice Raduša ima značajne probleme u vodosnabdijevanju. Ranije građeni vodovod Bukovac nema potrebni kvalitet, a ni količine vode. U sušnim ljetnim mjesecima dio stanovništva je bio u potpunosti bez vodosnabdijevanja.

Na osnovu takvog stanja, od 2013. godine započele su pripreme realizacije projekta vodosnabdijevanja, projektovanje, rješavanje dijela vlasničkih odnosa i sl. Do 2015. godine Općina je investirala u projektovanje i druge pripremne aktivnosti, uključujući i kupovinu zemljišta na kojem je građen rezervoar cca 100.000 KM. Tokom 2016 i 2017. godine ugovoreni su radovi na izgradnji rezervoara za vodu i spajanje rezervoara sa glavnim vodovodnim sistemom ukupne vrijednosti cca 300.000 KM. Radovi su finansirani od Zeničko-dobojskog kantona i općine Tešanj. Dio radova iz 2017. godine izvodi se u 2018. godini.

U 2017. godini je provedeno novo anketiranje građana za interes korištenja novog vodovoda. Prema tim rezultatima oko 320 domaćinstava (preko 1100 stanovnika) je bez rezerve iskazalo interes za korištenje novog vodovoda.

Općinskom vijeću je poznato kroz usvajanje Budžeta i rebalansa Budžeta za 2018. godinu, kao i Plana kapitalnih ulaganja za 2018. godinu da su ukupno planirana sredstva za 2018. godinu (uključujući sredstva MEG i općine Tešanj) u iznosu 750.000 KM. Javna nabavka je završena i do 1.8. se očekuje potpisivanje ugovora za izvođenje radova. Planirani radovi u 2018. godini obuhvataju izgradnju oko 20 kilometara primarne i sekundarne mreže i jedne pumpne stanice (IV) za snabdijevanje vodom visinske zone „Gornja Raduša“.

Prema trenutnim procjenama za završetak projekta će biti potrebno još cca 800.000 KM, što bi podrazumijevalo još tri pumpne stanice i mrežu u tri visinske zone.

Projektovanje (idejni, glavni, revizija)	76.800,00 KM
Projektovanje (sekundarna mreža mreža)	13.885,00 KM
Vlasnički odnosi	15.000,00 KM
Izvedeni radovi (bazen i spajanje s rezervoarom)	295.538,00 KM
Ugovoreni radovi u 2018 (mreža+1 PS)	760.415,00 KM
<i>Procjena potrebnih sredstava za završetak projekta (3PS+mreža+el priključci)</i>	<i>800.000,00 KM</i>
UKUPNO	1.961.638,00 KM

Trenutno smo u fazi u kojoj je potrebno definisati cijene priključenja na novi vodovodni sistem Raduša, jer po ranijim planovima i ugovorenim rokovima početkom 2019. očekujemo mogućnost puštanja dijelova novog vodovodnog sistema.

U dosadašnjoj praksi i ranijim sličnim projektima (vodovodi Pousorje, Dobropolje, Roše, Medakovo-Trepče, Tepe-Hrvatinići) usvajane su odluke Općinskog vijeća koje su ovo definisale. Predloženi iznos pojedinačnog učešća u projektu usklađen je sa iznosima na sličnim projektima. Dakle, finansijsko opterećenje građana je prilično ujednačeno i ne uključuje troškove gradnje novih bunara.

U odnosu na prethodne projekte imamo određene izmjene/unapređenja:

- Ugovori sa korisnicima potpisuju se cca 6 mjeseci prije mogućnosti priključenja na vodovod,
- Sav novac koji bude uplaćivan biće evidentiran na posebnom kontu budžeta na poseban/namjenski podračun Općine Tešanj (nema uplata na račune MZ, niti odvojenog plaćanja priključne takse),


- Prije potpisivanja ugovora sa korisnicima provjerit će se administrativne i druge pretpostavke za priključenje (ranije su se ugovori potpisivali putem MZ, pa je bilo određenih nedostataka, koji su uočeni u kasnijim fazama realizacije, a mijenjani su i propisi),
- Ugovaraju se veće cjeline građevinskih radova (sa višim ukupnim iznosima), čime se postiže veća finansijska efikasnost i veća odgovornost pojedinačnog izvođača, pa samim time i kvalitet radova,
- Građevinski odbor mjesne zajednice će imati drugačiju i jednostavniju ulogu (smanjenje odgovornosti za finansije, praćenje uplata, tehničkih pretpostavki priključenja i sl.)

Predlaže se Općinskom vijeću usvajanje Odluke, kako bi se do kraja 2018. godine mogle nastaviti planirane aktivnosti.

OBRADIVAČ

Služba za finansije, privredu, komunalne
i inspekcijske poslove


Hamzaliya Hojkurić, dipl.ecc



PREDLAGAČ

OPĆINSKI NAČELNIK

Mr. sci. Suad Huskić



Broj: 02-02-1-166/18

Dana: 17.7.2018. godine